

(= 1818)» : Ինչպէս նաև Գեթսեմանիի Ս. Աստուածածնի տաճարին համար արծաթեայ խոշոր կրակքեղ մը, նոյն թուականով և նոյն յիշատակարանով : (Յուց. Պ.) :

ՀԱՄԲԱՐՁՈՒՄ ԱՌԱՔԵԼՆԱՆ, ՂԱՐՍՊԱՂՑԻ. — Խմբագիր Մշակի. հրատարակած է այլ և այլ պատմական և բանասիրական գրուածներ. բազմաթիւ յօդուածներ գրած է Մշակի եւ Մուրճի մէջ. ունի նաև ազգային վէպեր : 1893 Օգոստոսին այցելած է Ս. Յակոբի վանքը, Թիֆլիսի Լիորոյ ուսուցիչն լրագրին խմբագիր հայազգի Սաչատուրեանի հետ, իբր Պարսկաստանի եւ Հնդկաստանի թեմի պատգամաւոր. հրատարակած է Սրբիման Հայրիկի Կարողիկոսական ընտրութիւնը անուամբ գիրքը : «Les Rapports des Arméniens avec l'Occident au moyen âge et après» վերնագրով իր յօդուածը 1902 Սեպտ.ին, զրկած է Արեւելագէտներու ԺԳ. միջազգային ժողովին որ գումարուած է Համպուրկի մէջ : Այդ յօդուածին թարգմանութիւնը տեսնել Մուրճ, 1902 Թիւ 10 : Ներկայ գտնուած է նաև նոյն ժողովին ԺԳ. նիստին Ալժիէրի մէջ, իր զեկուցումը եղած է Ակնարկ Հայ գրականութեան վրայ եւ նրա ուսումնասիրութեան կարեւորութիւնը արեւելագիտութեան համար : Իր հրատարակութեանց մանրամասն ցուցակը տեսնել (Ղազիկեան, էջ 197—198) :

1917 ին Համբարձում Առաքելեան իր տանը մէջ կ'սպաննուի մեղի անձանոթ պատճառով մը :

ՀԱՄԲԱՐՁՈՒՄ ԵՐԱՄԵԱՆ, ՎԱՆԵՑԻ. — Ծ. 1857 Մայիսին. աշկ. Յայնկոյաներու եւ Ս. Յակոբի ազգ. վարժարաններուն (1866—74). 1868ին ծաղկի հիւանդութեամբ կը զրկուի իր աչքերու լոյսէն 11 տարեկանին. ուսումը շարունակելէ վերջ 1874էն սկսեալ դաստու կը կարգուի հայերէնի և պատմութեան վանի երկու վարժարանաց մէջ. 1880—81 տեսուչ կարմրուր վանքին որբանոցին, 1882ին կը հիմնէ գիշերօթիկ-ցերեկեայ վարժարան մը եւ կը շարունակէ զայն մինչ 1915 կարող ուսուցչական խումբով մը եւ աշակերտներու թոշակներով միայն :

Նոյն վարժարանը 1908 ին կը ճանչցուի իբր իսսաի. 1904 ին կատարած է իր վարժարանին 25ամեակը, այդ առթիւ Երամեանի աշակերտք եւ կրթասէր ազգայիններ նոյն վաստակաւոր ուսուցչին կը նուիրեն դպրոցական շէնք մը և բնակութեան տուն մը :